

*ordinatae sunt : ibid : Item quisquis resistit magistratui , Dei ordinationi resistit. Rom. 13, 2. Unde Magistratum DEI quoque ministrum appellat , Rom. 13. 4.*

21. *Hinc & licitum esse hunc ordinem, & Christianum bonâ conscientia eo fungi posse , invicta hac doctrinae contra Anabaptistarum & aliorum fanaticorum furores demonstrari potest.*

*Omnis ordinatio DEI est bona & Christianis concessa. Ratio : Quia DEUS non est autor mali , sed solius boni,*

*Atqui verò Magistratus est Ordinatio DEI : vi testimoniorum scripturae iam productorum.*

*E. Magistratus est ordo bonus, & Christiano homini licitus & concessus.*

22. *Frivolum autem & elumbe prorsus est, quòd distinguunt adversarij inter tempus veteris & Novi Testamenti, & in illo quidem Magistratum gerere, licuisse, vel inviti largiuntur : in hoc verò idem concedere recusant, eò quòd Magistratus officium per Evangelium sit abrogatum.*

23. *Ignoravit nimirum hoc Apostolus, qui Romanis in novo profectò Testamento, sub regno Christi constitutis, luculentissimè testatum fecit, Magistratui esse obtemperandum, propterea quòd ille etiamnum sit & maneat bona DEI ordinatio, à DEO ipso non minus in novo, quam in veteri Testamento constituta.*

Et